

積習之弊在難復本性

古水

辛卯年三月十八 / 2011-04-20

近日余得閒暇，讀及陳四益先生之書，閱《積習》是篇，垂首思之，感觸頗深，自以為其言微而義大，不可不以之為誡，乃思與諸君饗之。

積習

無口國之民皆無口，相見成習，不以為奇。郝敏者，海客也，遇風飄泊至此，遂以面具覆臉，混跡國中凡四十年，漸忘己之有口，口之能言。一日，沐浴罷，置面具于盆側，出行市曹，人皆驚駭，四下奔竄，如見不祥。敏亟歸，攬鏡自照。亦駭異，不知鼻下之孔為何物，亦不復憶此孔之能言也。久思不解，乃復以面具罩臉，欣欣然慶己之又無口也。

雜史氏曰：積漸成習，泯其本性。本性之復，難矣哉。

余今覽之眾人，或汲汲于名利之間，或渾噩而不知己之所向，視非常為平常，等妍媸，比忠奸，不思鋤刈積弊，反耽于安逸。其如是，亦可謂之「積漸成習，泯失本性」，殊難復矣。是曰于今之世，為君子笑者，豈獨一海客耳？